

國庫明人文集叢刊

楓

山

集

外四種

上海古籍出版社

四庫明人文集叢刊

楓山集

外
四
種

(明)章懋撰

上海古籍出版社

滬新登字109號

四庫明人文集叢刊

楓山集(外四種)

(明)章懋撰

上海古籍出版社出版

(上海瑞金二路272號)

上海古籍出版社發行 上海古籍印刷廠印刷

開本787×1092 1/32 印張27.875 插頁4頁

1991年12月第1版 1991年12月第1次印刷

印數: 001—500

ISBN 7-5325-1172-3

I·563 定價: 35.05 元

出版說明

《四庫全書》集部別集類收錄明代各個重要時期的二百三十二位作家的近三百種詩文集。現據文淵閣本全部匯編成《四庫明人文集叢刊》。

這套叢刊所收文集作者，既有蜚聲文壇的衆多著名文學家，也有活躍在政治、學術等領域的重要人物，他們的詩文集涉及到明代社會的各個方面，是研究明代的原始資料或重要參考書。《四庫全書》編修者為每種文集撰寫提要，評介作者、內容及版本等，亦有參考價值，今一併附載。又各冊頁碼前均有該冊在影印《文淵閣四庫全書》中的冊數，今不作改動。

上海古籍出版社

一九九一年五月

本冊目次

楓 山	附	定 山	補	未 軒 文	補	醫 閩	翠 渠 摘	續
錄集		遺集		遺集		集	稿	編

明章 懋撰……………一	明莊 景撰……………一四五	明黃仲昭撰……………三六七	明賀 賀士諮編……………六二五	明賀 賀士諮編……………六二五	明周 周近龍編……………七二一	明周 周近龍編……………七二一	清周維 維繼輯……………七二一
----------------	------------------	---------------	--------------------	--------------------	--------------------	--------------------	--------------------

欽定四庫全書

集部
楓山集
目錄
卷一

詳校官中書臣賈鶚

中書臣劉源溥覆勘

覆校官中書臣康儀鈞

校對官中書臣王家賓

膝錄監生臣陳炳

欽定四庫全書

集部六

楓山集目錄

別集類五

卷一

奏疏

卷二

書簡

卷三

雜著

欽定四庫全書

說

銘

傳

墓志銘

墓表

祭文

卷四

序

碑記

詩

五七言絕句

五七言律詩

五七言長篇

賦

贊

欽定四庫全書

楓山集

二

臣等謹案楓山集四卷明章懋撰懋字德懋

蘭溪人楓山其號也成化丙戌舉進士第一

入翰林與莊景岳黃仲昭諫內廷張燈杖闕

下謫知臨武縣改南京大理評事陞福建按

察司僉事致仕家居二十餘年召為南京國

子監祭酒復引去屢召不起嘉靖初即家進

南京禮部尚書卒諡文懿事跡具明史本傳

懋初在詞垣以直諫著名今集中第一篇即

其原疏雖矯激未免太過而其意要不失于

持正至其耿介絕俗清節實為過人退休家

居時惟以讀書講學為事大抵恪守前賢義

訓弗踰尺寸不肯為浮夸表暴之談本傳稱

或諷之為文章則對曰此小技耳予弗暇有

勸以著述者曰先儒之言至矣艾其繁可也

蓋其肯惟在身體力行而于語言文字之間

非所留意故生平所作亦止于此然所存

皆辭意醇正有和平溫厚之風良以本篤實

欽定四庫全書

楓山集

三

之操發為詞章固非獵貌危言者所可比兩

乾隆四十一年十月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

楓山集卷一

明 章懋 撰

奏疏

諫元宵燈火疏

翰林院編修臣章懋臣黃仲昭檢討臣莊景謹奏爲培
養聖德事成化三年十一月二十九日內閣遣郎中韓
定持小揭帖到於東閣及史館分與太常寺卿兼翰林
院侍讀學士吳節等令各賦烟火等詩以爲上元賞詠
欽定四庫全書

楓山集

之具臣等各授一帖內開烟火花燈等項面貼詩譜題
目仍令照依舊詩格式擬述進呈及觀舊式俱是玩好
之物鄙褻之詞甚非所以養聖心崇聖德也臣等竊議
以爲此事必非陛下所爲陛下以天縱之聖日新之學
遊心經術邁跡堯舜凡所舉動必欲爲法於天下可傳
於後世方即位之初首下溫詔赦田租絕貢獻蠲逋負
停不急之務與民息肩又開言路凡朝廷政治得失軍
民利病許諸人直言無隱天下欣然以爲陛下應天心

承祖德而所以太平萬世者在是矣及觀去年以來如
遣人造楮國家舊制也一聞大臣之言而遂竊節令宴
樂每歲常例也一聞廷臣之疏而隨罷頃因災異勅諭
羣臣同加修省凡此數事皆臣等日擊耳聞未嘗不拜
手稽首稱頌以爲陛下從善如流改過不吝自禹湯以
來未之有也在彼者既皆陛下所不爲則烟火之事臣
等又決知陛下之不樂於此也今日之舉或者兩宮皇
太后在上陛下欲極孝養奉其歡心非爲一身娛樂之
計然大孝在乎養志不可徒供耳目之玩好以爲養也
臣伏觀兩宮母后恭儉慈仁之德著於天下坤儀貞靜
舉天下之珍奇玩好皆不足以動其心豈以烟火爲樂
哉況今兩廣弗靖四川未寧遼東雖云告捷然敵情難
測尚費區處不可置之度外北敵摩囀數包藏啟疆之
心窺伺間隙尤當深慮江西湖廣一旱數千里民不聊
生其他災傷處所尤多未易悉舉生靈嗷嗷張口待哺
雖蒙優詔賑恤然公私匱乏計無所出可爲寒心此正

欽定四庫全書

楓山集

三

陛下宵旰焦勞不遑暇食兩宮母后同憂天下之日臣等又知陛下之不暇為此也至如翰林之官以論思代言爲職雖曰供奉文字然鄙但不經之辭豈宜進於君上若不取法於聖賢而曲引宋祁蘇軾之教坊致語以爲之比是以三代以下之君望陛下而不以三代以上之君望陛下也臣等遭遇聖明發身貴甲叨與庶吉士之選陛下養之翰林教之誦習六經師法孔孟二年于茲矣近又授以今職感冒國恩至隆極厚夙夜惓惓相與戒飭惟恐曲學阿世無以補報於萬一何敢爲此鄙詞上清天聽以自取悔慢不敬之罪哉臣等又嘗伏讀宣宗章皇帝御製翰林院歲有曰啓沃之言惟義與仁堯舜之道鄒孟以陳若今烟火之舉恐非堯舜之道烟火之詩恐非仁義之言臣等知陛下之心即祖宗之心故不敢以是妄陳于陛下之前且知其不可猶願而爲之是不忠也知不可爲而不以實聞是不直也不忠不直臣罪大矣古之帝王鑒五刑有銘几杖有銘日不視非

禮之色耳不聽非禮之聲兢兢業業惟懷永圖雖在紛華靡麗之中幽獨得肆之地而所以戒謹恐懼存省察以致其精一之功者無所不用其極誠以人主一心攻之者衆一惑於耳則凡侈靡之聲皆乘間而入矣一惑於目則凡侈靡之色皆抵隙而進矣人心愈危則道心愈微矣天理人欲不容並立若曰上元之樂乃微事耳烟火之舉乃細故耳此不足爲聖明之累是殆不然書曰不矜細行終累大德又曰不役耳目百度惟貞若於此一事服常喜新之念興則他日之甚於此者將無不至不可以微事細故而不知謹也且漆器之作何損於德而舜則止之旨酒之甘何害於事而禹則絕之露臺之費不足爲奢而漢文則已之彼聖賢之君何汲汲於是哉正以欲不可縱漸不可長故耳臣等伏願陛下寬斧鉞之誅排萬幾之語將此烟火等事一概禁止使接於耳目而移此視聽爲文王之視民如傷爲大舜之聞善若決江河省此冗費以活流離困苦之民實征伐

勞役之士則干戈可息災旱可消百姓可以富庶四夷
可以賓服億千萬年享太平無疆之休則陛下之所以
奉養兩宮者其孝豈有大於此哉陛下深思而力行之
不以臣言爲沽矯不以臣等爲迂聞使天下後世知大
聖人之作爲出於尋常萬萬是非臣等之幸實宗社生
靈之大幸也臣等昧死以聞

辭免陞任祭酒疏

臣於弘治十四年八月二十四日承奉吏部劉付欽奉
欽定四庫全書

鳳山集

五

六月初六日聖旨陞臣南京國子監祭酒自天有命無
地措躬伏念臣一介草茅初無學術庸陋迂疎弗堪世
用自忖少應舉爲親干樣偶合主司濫登科第荷蒙憲宗
皇帝天地覆載之恩父母生成之德隨之翰苑俾讀中
秘之書授以史官叨陪侍從之列雖以狂言獲罪猶加
矜貸改評判於大理陞佐憲於南閩蓋嘗有志於澄清
以圖補報而才識弗逮勞効蔑聞恐瘴嵐之傳染遽疾
疾之交攻懼殒官而貽譴備陳詞以乞身又蒙恩旨允

臣休致以養屏軀幸存喘息二紀于茲每懷忠於賦詠
愧莫報於涓埃初不敢過爲矯激以退爲高亦未嘗妄
有覬覦以進爲望自分山林之終老敢圖日月之照臨
茲幸聖明在上屬精治理寤寐英猷故老舊臣悉皆起
用寸長片善俱使無遺豈意妄庸亦叨甄擢感恩彌厚
捧戴難勝雖愚無狀豈敢有辭以孤獎拔之意以取不
恭之罪切緣臣未拜恩命之先今年二月初四日遭值
父喪例應守制雖蒙聖慈容臣服闋赴任然計免喪之
期猶須二載而久曠官守以待微臣不無曠廢職務有
誤教養於法既爲未便於義尤所未安此臣所以踧踖
靡遑不容不瀝誠以上請也臣載惟國學爲教化之源
祭酒乃學官之長非有宿儒重望難膺厥任臣顧何人
敢承其乏雖詞章粗習昔嘗侍罪於禁林而道德無聞
詎可儀刑於璧水況乃越資而授揣分莫堪負乘之愧
倍切愚衷跡進之嫌難述物論又臣今年犬馬之齒六
十有五桑榆已迫蒲柳早寒加以禍罰之餘摧咽悲傷

欽定四庫全書

鳳山集

六

氣血凋耗心志健忘鬚髮盡白筋力衰憊目昏足弱老病侵尋雖使在官亦宜納祿豈容冒昧復事彈冠以竊非據乎此又臣所深懼而循牆偃俛尤不容不顧天以祈免也敢陳愚冒瀆宸聽伏望聖明察臣真忱憐臣衰病特勅該部追寢已行之成命別推可用之實才以充厥位容臣仍以舊官致仕庶使職無久曠祿不虛糜而無用小臣獲安愚分以全素履以畢餘年爲幸大笑臣不勝激切懇祈之至

欽定四庫全書

鳳山集

七

再辭祭酒疏

臣於弘治十四年八月內承奉吏部劄付欽蒙聖恩陞臣南京國子監祭酒臣時方值父喪例應守制又以道德無聞難膺重任老病侵尋不堪從宦已具奏請備陳愚悃冒干洪造祈覓新任以終致仕而俯聽踰時未蒙俞允至弘治十五年七月十五日又蒙吏部劄付欽蒙四月初二日聖旨章懋不准辭待服滿日看提到任管事渙渥白天震驚無地伏念臣猥以庸材遭逢盛世偶玷

儒科濫膺器使頃緣衰病久辭榮祿分甘守於寂寥念不萌於利達敢謂下臣之卑賤叨蒙上聖之簡知擢從闕退進長成均既曠官以俟其終制復除貳以攝其職守是皆殊異之恩希闕之典非疎遠小臣所宜蒙者臣感激涕零碎身難報固當不俟駕而行詎可復循牆而避第以寵恩過厚私義未安有不容不瀝誠以控訴者孟祭酒爲國學長官非侍從詞臣久歷清要者不遷而臣之資淺望輕豈可躋居是職乎祭酒爲諸生師表必

欽定四庫全書

鳳山集

八

有鉅儒若唐韓愈宋楊時元許衡者庶協輿望而臣之學術寡陋行能淺薄豈可冒居是職乎臣今犬馬之齒逾六望七已及掛冠之日又當泣血之餘心志凋耗筋力衰頹目昏齒痛腰痠足弱百病交攻餘生無幾雖欲就列莫能陳力而祭酒之責任匪輕又豈臣之老病者所能勝哉臣前所奏已具此情而陳述不詳衷誠未達致蒙恩命專頒臣夙夜憂危進退維谷展轉於心籌思累日愈不自安雖知煩瀆之爲罪而貪冒寵榮不知遜

避躁進苟得以干尸素之誅則不惟有累聖主知人之明且妨朝廷進賢之路而爲罪大矣故不得已復冒斧鉞之威以申前懇伏望聖慈曲賜矜憐收回成命特勅該部別選賢能以補祭酒員缺容臣仍舊致仕以安愚分終老山林庶歌衢壤此臣之至願也臣不勝戰慄待罪之至

謝恩疏

臣先於弘治十四年六月內欽蒙聖恩陞臣前職臣以

欽定四庫全書

鳳山集

九

遭值父喪例應守制及才德淺薄老病衰頹弗堪重任兩具奏牘祈免陞職又兩承聖旨允臣終制而不容避避恩厚命嚴臣不敢有違已於弘治十六年八月初六日到任管事訖伏念臣素無實學謬忝虛名始列近臣而論思無狀繼遷憲職而善最弗聞每愧非才而竊祿遂緣多病以乞身仰荷鴻私獲全素履自退棲於環堵已夢斷於釣天豈意餘年復叨殊獎恭惟皇上恩同天覆德與日新法克舜之知人致文王之多士既宏大業

尤懷遠圖謂賢才爲致治之基而監學乃育材之地欲臻漢室橋門之盛久虛周官師氏之員宜求儒碩以造就俊髦乃起衰庸而攝承闕乏雖抱赤心而欲奮其如旬首以何堪人言遭際之非常臣懼寵榮之過分拜恩跼踖就職凌兢臣敢不磨礪已灰之心溫尋久廢之學以安定之經事爲教非陽城之忠孝不談勉脩職業仰副憂勤但虞曠敗有誤明揚尚祈早賜歸田庶不久妨賢路臣不勝感恩激切戰慄待罪之至

欽定四庫全書

鳳山集

十

奏脩舉學政疏

臣竊聞古者太學所養皆天下之俊秀其資既可與其學其學必抵于大成故人材盛而風俗美也我國家稽古制治尤重太學以教化原洪武永樂年間在太學生徒動數千計其人類多少俊而教育之法至爲周詳計日以通經積分以出仕布列庶位大抵得人爰及近年生徒漸少計今本監見在之數科貢兩行共止六百餘人其歲貢一行非無可與其學之資而衰邁不振者十

常八九蓋由積累歲月扶次而升故也謫誘雖動不無扞格近又該南京戶部題准事例合用監生三百五十名前去後湖清理黃冊除別項差占外盡行撥去止及前數之年而堂舍頓空每班止餘舉人三五名而已其舉人一行節被南京禮部割付關送新舊舉人共該六七百人又多顧戀家鄉不肯前來坐監罰雖嚴於違限彼亦視為泛常直至會試及期方來告稽起送違其下第又復還鄉因循歲時坐成老大其間固有厄於貧難而安於小成者亦不少矣夫歲貢之入監既由扶次而舉人之坐監又每後時故差撥常患於不敷而教養尤難於見效本末胥病官使乏材有養士之名而無得人之實此臣之所甚懼而夙夜不寧者也揆之理勢合有變通緣歲貢已是常規未敢輒申他議雖近年有增貢之舉而所授亦扶次之人資格所拘英才多滯臣愚見欲乞於常貢外間令提學憲臣於人材素多去處行選貢之法不分廢膳增廣生員通行稽加考選務求行者

鄉閭學通經術年富力強累試優等者乃以充貢通計天下之廣約取五七百人照依地方分送兩監今年首行一次以後或三年或五年量在監人材多少間一行之更乞自弘治十八年以後會試下第舉人該送南監者寬其違限之條要以坐堂之實如係初到人數須令實坐堂一年之上方准起送會試如係復監人數須令實坐堂二年之上方准再送會試非有父母之喪而不及期者不准起送如此則生徒之數可以漸及往年且多精銳可進之資鮮成因循自誤之悔臣雖不知所以為教然亦安敢不盡其心動用提撕嚴加程督稍放積分之意用申激勵之方務令文行兼脩政教粗舉成材有望附選及時豈惟差撥恒充固將官使充稱庶乎國家有以收養士之效而臣亦少進尸素之愆也其選貢合有防範嚴實科條臣未敢輕預如蒙乞勅禮部詳加議處杜絕徼倖務求得人其舉人坐監事宜乞因下第之時通行曉諭俾知遵守實為便益

乞放歸田疏

臣以一介庸陋值聖明夙膺器使屢試罔功辭棲養
病久偷安於農園蒙恩起廢復侍罪於成均學不足以
啓迪羣蒙行不足以範模後進僥踰過分補報無由欲
淑士心而奔競貪鄙之風未變欲新士習而流偽浮薄
之態尚存淮任已踰暮月課績全無毫分職既曠厥罪
宜罷黜又臣犬馬之年六十有八衰頹日甚百病交攻
耳目昏重而視聽不明腰足痿弱而拜起弗便加以舊
欽定四庫全書

楊山集

上

患咳逆脾泄等證不時舉發氣血凋耗心志健忘處事
則失後迷前動作則神昏頭眩羸敗弗堪死亡無日雖
欲勉加鞭策終是不任便令臣既奉職無狀而又疾疾
荐臻若復貪榮嗜利久妨賢路則為罪益大矣敢陳早
悃上清宸聰伏望聖慈察臣衷誠憫臣老病特勅該部
將臣放歸田里別選碩儒以典國學庶幾師道可立教
化可成則朝廷熙陟之典愈明而微臣進退之義亦無
所失矣臣不勝激切懇祈之至

舉本監弊政疏

弘治十七年閏四月二十二日該司禮監太監陳寬傳
奉聖旨近來內外各衙門弊政多端軍民受害以致上
干和氣深切朕懷合行緊要革弊事宜各該衙門便查
議明白開具來說欽此欽遵臣有以仰見陛下敬天愛
民孜孜圖治即二帝三王之心宗社生民之大幸也
敢不夙夜匪懈講求弊政之所當革與時變之所宜通
者以為聖治涓埃之助茲竊謂法無古今便民者為良
欽定四庫全書

楊山集

上

法論無當否利民者為至論今天下承平日久文恬武
熙政出因循事多積弊以言乎國用則不充以言乎兵
力則不强以言乎國論則不定以言乎紀綱則不肅以
言乎刑罰則不清以言乎俗尚則奢僭而無節以言乎
士習則奔競而嗜利以言乎官吏則誕慢而具文流偽
日滋而閭閻窮困蠢穴竊發而邊鄙失寧所以上干和
氣災異迭見而屢陛下宵旰之憂也其大本之未正而
萬弊之所由生者在廷大臣暨言路諸臣必能一為

陞下陳之臣固未敢出位而僭言也姑就職司之所及者而論之雖云細務非大體所關然亦積弊之久爲民之害有不容不爲之區處者敢陳鄙見上瀆宸聽伏望聖明深恤民隱俯察過言通變宜民勿拘故常之見更化善治用垂久遠之規庶幾宿蠹可祛而民困可甦天下幸甚爲此今將本監合行革弊事宜具本專差辦事吏某齋捧謹具奏聞一本監歲貢諸生先在各處府州縣學爲附學爲增廣亦既有年然後得廩其廩膳必二

欽定四庫全書

卷一百一十五

七

十餘年或三十年而後得貢迨貢入國學遠者十餘年近亦三五年而後撥歷又歷事一年而掛選通計前後年數已及五六十歲又待選十餘年而後得官則其人已老多不堪用因而死亡者亦不少矣是國家虛費廩米數百石以養一人而不得其一日之用豈不重可惜哉此今日積弊之大者不可不早爲之所也如蒙乞勅該部計議先清之於學校責任提學憲臣嚴加考選凡材之庸下年之老邁不堪作養者不許食廩充貢次清

之於國學照依先年命大臣揀選之法而加嚴凡材之庸下年之老耄不堪任用者不容在監待其掛選之時吏部就行考定高下或賜冠帶或授合得品級散官使之待選於家而行各處巡撫巡按分巡守及司府正官凡有公事委之幹辦既可使之習於政事又可驗其能否每歲終各該上司開具差委過各人幹辦實跡第其材識高下造冊奏聞其材識優長堪任用者即行取選年老無材不堪用者就令致仕況洪武中嘗差監生各處丈量田土亦欲驗其能否而授職也明試以功如此則官使得人而民皆受其惠矣此賢愚同滯之弊所當革者也一本監舊制博士助教學正學錄等官共三十七員蓋國初天下人材共入一監作養故設官之多如是後因添設北監頗行裁減查得成化初年本監止有博士三員助教十員學正學錄共七員耳今在監諸生不過七八百人而博助正錄等官餘三十員又會饌久停掌饌一員已爲虛設而今乃有兩員似乎過冗且

欽定四庫全書

卷一百一十五

七

各官所食之廩祿所役之皂隸皆生民之膏血而國家大農之經費也冗食不節國用虛矣臣竊聞官不必備惟在得人各官爲諸生表率後學範模苟非其人則師道不立教難成効又況近奉新例風憲有缺許於博士助教等官內選補則此各官者不惟風教所係抑乃風憲之儲尤宜慎選其人不以備員爲貴也如蒙乞勅該部叅酌所宜量爲裁減畧如成化初年之數以後遇有缺員合無行令巡撫巡按提學等官推選舉行超卓教

欽定四庫全書

卷一百一十五

七

誨有方者列函舉奏及九年考滿教官內有功績而兼著時名者以補其缺庶幾用不失人既有以佐風教而備迪簡員不至冗又可以寬民力而紓國用矣此冗食之弊所當革者也一本監官吏俸糧及監生家小月糧俱係糙米師生會饌係熟米每歲預先會數具呈南京戶部坐派蘇常等府解納本色近奉南京戶部劄付判到弘治十六年分折納糙熟米共三千八百石計銀二千六百六十兩不分糙米熟米俱作七錢一石臣查得

南京部院等衙門官吏監生俸糧近年俱是折價每石納銀七錢今將本監俸月糧糙米亦作七錢一石折納委實事體相同經久可行惟有會饌白熟米亦係按月關支每人多者不過三斗少則七八升者有之三五升者有之若將銀兩碎分不免虧折之患又後湖查冊監生數多所有饌米乃日用不可缺者雖云有銀可糴而米價貴時熟米一石不止七錢欲從本監糴買供應又不免陪補之患若止將銀兩送湖則湖上亦費區區臣

欽定四庫全書

卷一百一十五

七

愚見此項糧米只合收受本色已具呈南京戶部定奪該部稱係巡撫衙門奏准事例難擅改移只得遵依收受訖但恐遂爲求例則二惠未有已也如蒙乞勅該部查議合無將本監官吏監生俸糧月米以後年分照依各衙門事例折納價銀使民獲輕齎之便其饌米仍納本色則官免虧折陪補之患此則預防其弊官民兩便之事也一本監舊額膳夫一百名皆應天府所屬各縣編審均徭人戶充役爲因節有逃亡不便成化二十二

年該欽差巡撫南直隸右副都御史王克復始行改派
蘇松常徽寧國五府每名一年解銀一十二兩有閏加
一兩以充顧役之用本監先前收獲前項銀兩顧人應
役自文廟六堂及博士廳并內外各號看守灑掃及雜
用工役等項共顧七十餘人該用工食銀四百五十餘
兩其餘各派各官名下顧人跟用及本監一應公用如
辦納內府浣衣局濕小粉等項皆於此取給先任祭酒
劉某頗嘗指有贏餘奏准修理號舍訖自臣到任以來
所收弘治十五年十六年銀兩除顧人應役外比照北
監見行事例止給與博士助教學正學錄典籍掌饌職
卑祿薄官員各一名共用二十二名其餘公用隨宜節
縮亦頗有餘均給六堂監生俱有文書簿籍惟是未經
奏請於義未安今弘治十七年蘇松常三府共該膳夫
七十名每名止解銀十兩其米文開稱係巡撫馮御史
議處事例而徽寧二府却照例解發多寡不齊欲便聽
從輕減以寬民力義無不可但亦未經奏請未敢擅便

定奪又今後湖查冊例該舉徽膳夫徒夫到彼供役緣
法司近年間擬囚徒並無一名到監無從差撥已曾具
呈南京禮部轉行取撥而法司回文須要申請方准撥
送以此本監只得盡用前項銀兩多顧人役前去供應
但恐從此遂廢舊規未便如蒙乞勅該部查議前項膳
夫應該納銀若干通行各府遵守庶幾事體歸一仍乞
查照祖宗舊制及今北監事例行南京法司照前問發
囚徒送監應役庶使百年成規不至墮廢所有前項膳
夫銀兩除顧役外合無給與博士等官各一名及公用
或有剩餘合無均給諸生惟復用以修理公廨或刊補書
板亦乞斟酌所宜立為定制以便遵守仍將收支數目
明立文案隨卷無制以防奸弊庶幾財無妄費民允重
因此又革弊恤民之一端也一本監會饌乾魚每年預
先會數具呈南京戶部行湖廣布政司生派所屬各該
河泊所辦納猪肉則每三日一次會數行應天府都稅
等司辦納行之數人積弊多端當急時則輸納後期而